

134

23. sept.

Reikningsár sjóðsins er almanaksárið. Fyrir lok febrúarmánaðar ár hvert skal stjórn sjóðsins hafa lokið við að semja reikning hans fyrir liðið ár og skal hann síðan endurskoðaður af tveim þar til hæfum mönnum, sem sýslumaðurinn í Snæfellsness- og Hnappadalssýslu nefnir til þess til þriggja ára í senn. Að lokinni endurskoðun skal stjórn sjóðsins sjá um, að reikningurinn sé birtur í Lögbirtingablaðinu.

7. gr.

8. gr.

Stjórn sjóðsins ber að skrá eignir sjóðsins, tekjur og gjöld, svo og ársreikninga hans í þar til gerða bók.

9. gr.

Stjórn sjóðsins skal hafa gerðabók og skal í hana rita skipulagsskrá þessa, fundargerðir og skrá um umsóknir og styrkveitingar úr sjóðnum.

10. gr.

Leita skal staðfestingar á skipulagsskrá þessari. Henni má aldrei breyta nema því aðeins að eitthvert það embætti eða starf, sem nefnt er í skipulagsskránni verði lagt niður. Ákveður þá yfirstjórn dómsmála á Íslandi hvaða embættis- eða starfsmaður skuli koma í staðinn.

Lágafelli, 14. október 1943.

Margrét Þorbjörg Jensen. Thor Jensen.

135

26. sept.

Staðfesting forsetans á skipulagsskrá fyrir „Minningarsjóð Lárusar Helgasonar og Elínar Sigurðardóttur“, Kirkjubæjarklaustri, útgefin á venjulegan hátt að mandatum af dómsmálaráðherra 26. september 1944.

Skipulagsskráin er þannig:

SKIPULAGSSKRÁ

fyrir Minningarsjóð Lárusar Helgasonar og Elínar Sigurðardóttur,
Kirkjubæjarklaustri.

1. gr.

Sjóðurinn heitir: Minningarsjóður Lárusar Helgasonar og Elínar Sigurðardóttur.

2. gr.

Sjóðurinn er stofnaður með almennum framlögum frá íbúum Vestur-Skaftafellssýslu og Kaupfélagi Skaftfellinga fyrir forgöngu undirritaðra manna í Kirkjubæjar- og Hörgslandshreppum með aðstoð Sambands Vestur-Skaftfellskra kvenna til minningar um hjónin Lárus Helgason og Elínu Sigurðardóttur á Kirkjubæjarklaustri.

3. gr.

Stofnfé sjóðsins er kr. 12577.18 — tólf þúsund fimm hundruð sjötíu og sjö krónur og átján aurar — og skulu kr. 8000.00 — átta þúsund krónur — lagðar í útborgunardeild Söfnunarsjóðs Íslands undir nafninu A, en kr. 4577.18 — fjögur þúsund fimm hundruð sjötíu og sjö krónur og átján aurar — skulu ávaxtast í aðaldeild Söfnunarsjóðsins um aldur og æfi undir nafninu B. A-deild sjóðsins skal

ávaxtast til þess tíma, er fært þykir að dómi sjóðsstjórnarinnar að reisa skóla- byggingu til húsmæðrafræðslu með tilstyrk sjóðsins á staðnum Kirkjubæjar- klaustri, nema ef hagkvæmari staður og samningar um hann fást fyrir stofnunina í næstu grennd. Fellur þá A-deild sjóðsins til útborgunar nema kr. 500.00 — fimm hundruð krónur —, sem ávaxtast áfram í Söfnunarsjóðnum með þeim skilmálum, að helmingur upphæðarinnar með vöxtum má jafnan falla til útborgunar er endur- bygging þarf skólabygginguna að miklu eða öllu leyti að dómi þeirrar stjórnar, er þar um ræður.

Í B-deild sjóðsins skulu allir ársvextir lagðir við höfuðstólinn þangað til að farið er að starfrækja fræðslustofnunina, hvort heldur er með námskeiðum, sem stúlkur eða konur úr Vestur-Skaftafellssýslu hvar sem er eiga jafnan aðgang að — eða sem skóli og það jafnt áður en skólabygging er reist. Falla þá vextir til út- borgunar þannig: $\frac{1}{3}$ — einn þriðji — eða $\frac{1}{2}$ — hálfir — ársvextir til reksturs þeirra eftir lengd námskeiðstímans. En þegar skóli er reistur og starfræktur falla $\frac{3}{4}$ — þrjú fjórðu — ársvaxtanna til reksturs hans og námskeiða við hann. Hinn hluti vaxtanna skal jafnan leggjast við höfuðstólinn. Sömuleiðis falla allir vextir við höfuðstólinn þau ár, sem fræðsla kann að falla niður.

Báðar deildir sjóðsins taka við gjöfum og áheitum frá þeim mönnum, sem vilja efla vöxt sjóðsins og styðja tilgang hans. Sömuleiðis frá stofnunum og félögum. Skal allt fé, sem sjóðnum áskotnast þannig, jafnan lagt við stofnféð.

4. gr.

Stjórn sjóðsins skipa 3 menn — karlar og konur —. Einn þeirra skal kosinn af sýslunefnd Vestur-Skaftafellssýslu, annar af Sambandi Vestur-Skaftafellskra kvenna og sá þriðji af undirrituðum forgöngumönnum sjóðsstofnunarinnar, meðan a. m. k. tveir þeirra eru lífs og búsettir innan Vestur-Skaftafellssýslu. Þegar þeirra manna nýtur ekki lengur við, skal þriðji maðurinn valinn af hreppsnefndum Hörgslands- og Kirkjubæjarhreppa í sameiningu. Stjórnarmenn skulu kosnir til tjögra ára í senn. Stjórnin skiptir sjálf með sér störfum. Hún hefur á hendi reikn- ingsfærslu sjóðsins og ber ábyrgð á fé hans. Reikningur sjóðsins nær yfir almanaks- árið og skal hann árlega sendur sýslunefnd Vestur-Skaftafellssýslu til athugunar. Reikningurinn birtist og í B-deild Stjórnartíðindanna.

Stjórnin heldur gerðabók og skulu í hana færðar allar fundargerðir, ályktanir og bréf, er hún ritar viðvikjandi sjóðnum, svo og reikningur sjóðsins. Hún varð- veitir og öll bréf hans og önnur skjöl, er til hennar berast sjóðnum viðkomandi.

5. gr.

Eflist sjóðurinn — A- eða B-deild — svo, að verksviði hans verði meira en full- nægt, má færa verksviðið út með því að styrkja hliðstæðar menningarstofnanir innan Vestur-Skaftafellssýslu fyrir karla.

3. gr.

Leita skal staðfestingar forsetans á skipulagsskrá þessari.

Staddir að Kirkjubæjarklaustri, 2. maí 1944.

Gísli Brynjólfsson,
Kirkjubæjarklaustri.

Bjarni Bjarnason,
Hörgsdal.

Dórarinn Helgason,
Þykkvabæ.

Helgi Jónsson,
Seglbúðum.

Sæm. Jónsson,
Hörgslandskoti.

Jón Jónsson,
Teygingalæk.

Björn Runólfsson,
Holti.